

蜀藏叢書

第三十七册

巴蜀珍稀教育文獻匯刊

主編 木

高志剛

成都時代出版社



蜀藏叢書

第三十七册

巴蜀珍稀教育文獻匯刊

主編 李勇先 高志剛

成都時代出版社

目 錄

第三十七冊

尊經書院初集續 (清)王闈運輯 清光緒十年四川省城刻本

(清)王闓運 輯

尊經書院初集
續

清光緒十年四川省城刻本

嗣君卽位當冠議

子幼未能朝王當冠否不冠當卽位否

呂翼文

凡承重者雖孩提卽有成人之道。若至尊在己雖壯不得爲成人。惟長子將代父年已二十恐其以幼志自安。故制爲冠禮。假以成人之道。若己代父則成人矣。自無俟假以冠禮。而亦無所受命也。庶子雖無承重之責亦得從大學之選。故亦假以成人之道。但庶子而孤則無尊者命之。惟父兄戒宿亦必假之。而後爲成人。非如適子而孤無假之。而自爲成人。父兄亦不得戒宿也。宗子有君道無所受命。雖父兄猶以齊衰三月之尊服服之。豈敢爲之冠主。若小宗適子或士之子承家事者亦義不貳。

尊。不惟父兄不得以旁尊加之。卽母亦不得以尊加之。故知當室之孤無冠禮。况已當室亦無須更行冠禮乎。故士冠禮皆父命其子之文。天子諸侯命其子則大夫士亦須命其子。若長子之年未及二十而遭喪則無復行冠禮之事。一者至尊沒無所受命二者承重服斬已冠繩纓成人之道自此日始與士冠禮制無涉。故禮經喪服記言童子當室從成人例。曲禮孤子當室有冠文。是其明證。可知並無行冠禮之事又喪服記云宗子孤爲殤。正言宗子則孩幼而爲成人。孤者居喪之傅與未除喪不成君者同例。若已除喪則子道已終。父道已始。誰得而殤。

之。故記曰冠而不爲殤。冠者成人之稱。成人則曰冠矣。此冠文非謂行冠禮。若冠禮之年已二十。記不必言不爲殤矣。然則承重則爲成人。不必問其冠不冠也。以此言之。凡得有後者。自始生至二十以前。皆主喪卽冠。乃成人正義。則自士大夫上達天子諸侯。更無可疑。攷曾子問。君薨而世子生。卿大夫士從攝主北面於西階南。大祝奠幣于殯。東几上告子生。鄭注几筵于殯三日。東明繼體也。少師奉子以衰。然則世子已斬冠矣。何復行公冠之有。子升自西階。自西階者。子道未終。故未除喪而殯。前北面祝。立于殯東南隅。祝聲三曰。某死。例不成君。

之子某從執事敢見子拜稽顙哭子踊房中亦踊三者

三襲衰杖。從執事見拜稽顙踊襲衰杖則嗣君矣誰得而以為不成君必更行冠禮與即位之禮乎

大宰命祝史以名徧告于五祀山川如已葬而世子生

大宰大宗從大祝而告于禰三月乃名于禰以名徧告

及社稷宗廟山川

已告社稷宗廟則即位矣自此以後自行國君之禮若衾若驚若毳不待

言矣更何疑于有復行冠禮之事與更行即位之禮乎

此言君喪若葬世子生而

嗣位其文章章可据攝主者前此世子未生不可不立

嗣君。今世子已生。則所立者不敢仍立。是謂攝主。

鄭以攝主

為上卿代君聽國政君可以代則亂不可勝言此非聖人之意周官六卿分治事不廢而亂無由生如今六部

分職內閣之權已輕是周官記正言攝主則此禮節世
 遺法卽主幼政煩亦無釁也。子卽位之禮不惟此後不更行冠禮亦不更行卽位之
 禮。以此推之。嗣君或數歲或十餘歲皆同此禮。但無攝
 主耳。惟嗣君未除喪而死則不成君。嗣立者仍爲先君
 後。春秋踰年傳君是外辭若在外則除喪朝王而歸始
 成君如喪服記宗子爲孤而殤雖已爲宗子未除喪
 亦爲殤與例不成君者同。例不成君者以父臨子所以
 明子道生卽嗣位者以君臨臣所以明君道兩義若相
 反實不相害。若除喪後或數歲而死或十餘歲而死則嗣立
 者或高曾行或昆弟行皆若子。故春秋以僖爲閔後而
 譏逆祀子不殤父臣不殤君此其義也。太戴有公冠篇

是夏殷之法。於義難通。不可為據。夫世子已生而不即位。則嫌於無君。即位則君矣。猶待年長而更行公冠之禮。則前此皆以童子臨臣民。泣會同而不亂者鮮矣。假而未及公冠之年而遂死。則將殤之乎。抑立之庸乎。故不惟公無俟於冠。亦不容更有冠禮。春秋襄公屢從盟會。征伐。據經元年正言即位三年四年八年公俱如晉三年公及晉侯盟于長檮六月公會諸侯同盟于雞澤五年七年俱會諸侯救陳八年間盟會征伐凡五公如晉凡三年以為未冠而冠于衛。謬誤已甚。聖人之制。正其名義。所以絕亂源。端冕臨民。民猶玩之。况童子乎。至周公攝政

七年成王始卽位。是開國事。非定制。如此自定制後。自有六卿分治。無須攝政。若諸侯旣葬。類見除喪。朝王皆有定制。君能行則君親之。不能則使卿聘于天子。其大事則諸卿議之。周制王立六卿諸侯則大國次國三卿小國二卿見禮記王制其常政則諸卿守之。雖委裘而天下不亂。周公制作。慮周物表自前人牽引。公冠之文。遂生疑竇。因公冠而始有攝政之說並不思士冠一篇。皆父在之禮。附會經義。實爲亂階。又疑周公攝政之事。益滋臆說。今以成人之道。通乎上下。與士冠禮毫不相涉。則知國有奧主。而攝政之說。無自而生。

益知周官六職義精法良常變經權可通行之而無弊。後人不明夏后氏傳子之義幾有以孺子王爲不成人者拘牽古義動生窒礙亂所由生也。

禮議崇閔

嗣君卽位當冠議

張世芳

禮本不爲孩提設冠不可以襁抱行冠者長幼之節因以爲貴賤之倫故曰無生而貴者也則冠之所重者特年也非以其冠服也冠之所以重年者固倫序養幼少也如曰冠不足爲卽位期卽位卽以爲冠期爲此說者不過謂君位重不可虛無嗣也抑思陵節而施適所以玩天位乎夫未成人已成君如治河已成冠未成童如禮何冠義曰天子之元子猶士也天下無生而貴者也記曰無大夫冠禮知古自大夫以至於天子皆冠乃行

事○故○幼○君○貴○少○之○目○不○見○於○諸○經○或○者○援○喪○冠○之○說○以○
爲○孤○子○嗣○位○冠○不○待○時○之○證○不○知○所○謂○喪○冠○者○喪○當○可○
冠○之○時○則○不○得○以○童○子○任○大○事○如○康○王○是○也○成王復辟
乃○没○子○釗○時○已○能○奉○喪○當○不○可○冠○之○時○則○不○得○強○冠○於○
使○于○外○故○知○當○冠○時○喪○當○不○可○冠○之○時○則○不○得○強○冠○於○
喪○中○成○王○是○也○雜○記○曰○以○喪○冠○者○唯○三○年○之○喪○可○也○鄭○
注○始○遭○喪○以○其○冠○月○則○喪○服○因○冠○矣○非○其○冠○月○待○變○除○
卒○哭○而○冠○又○云○凡○冠○者○以○其○時○當○冠○則○因○喪○而○冠○之○于○
以○見○當○時○乃○冠○古○之○典○例○也○况○卽○位○有○萬○幾○之○責○生○民○
社○稷○之○主○而○乃○以○未○成○童○之○冠○者○當○之○天○下○何○賴○焉○文○

王世子成王幼不能踐阼。周公相踐阼而治。抗世子法于伯禽。二叔曰公不利孺子。是未冠也。曰世子是未卽位也。君不能先時而冠。國不可曠年無君。雖至鷓鴣破斧。公不改其復子明辟之期。足見卽位之當冠。冠君之待年矣。春秋隱長而卑。桓幼而貴。隱爲桓立。卒以見殺。經賊桓而賢隱。其不與桓未冠卽位可知。其許隱代桓爲君亦可知。蓋弁冕之童不足任君事。杜覲餽適足以瀆典禮。藏奸慝何也。未正名則雖周公攝相。人人得而議之。指目方巖。奸者不得而竊。已正名則操券在前。事